

Član 10.

Konačno imenovanje u regulirani organa, shodno članu 12. Zakona, posebnog zakona kojim se reguliše odgovarajuća djelatnost i općeg akta javne ustanove u kojoj djeluje regulirani organ, vrši općinski načelnik.

Kada se nakon raspisanog javnog oglasa za imenovanje na upražnjenu poziciju u reguliranom organu ne može izvršiti izbor i imenovanje u skladu sa ovom Odlukom, općinski načelnik raspisuje ponovni javni oglas, u što kraćem roku a najdalje za tri (3) mjeseca.

Član 11.

Kriteriji za izbor i imenovanje utvrđeni ovom Odlukom čuvaju se u evidenciji općinskog načelnika.

Član 12.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 10-49-1353/06

28. juna 2006. godine

Sarajevo

Općinski načelnik

Dževad Bećirević, s. r.

(Napomena: Ogllašeno na oglasnoj ploči Općine Centar Sarajevo 28. juna 2006. godine.)

Na osnovu člana 25. stav 3. Zakona o ustanovama ("Službeni list R BiH", broj 6/92, 8/93 i 13/94), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03),

člana 89. stav 5. Zakona o osnovnom odgoju i obrazovanju ("Službene novine Kantona Sarajevo", broj 10/04) i člana 69. stav 2. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), općinski načelnik donosi

RJEŠENJE

**O IMENOVANJU ČLANA ŠKOLSKOG ODBORA
JAVNE USTANOVE OSNOVNE ŠKOLE "ALIJA
NAMETAK" SARAJEVO**

I

U Školski odbor Javne ustanove Osnovne škole "Alija Nametak" Sarajevo imenuje se:

1. EDINA SMAJKIĆ, član

II

Mandat imenovane za člana Školskog odbora traje do isteka mandata predsjednika i članova postojećeg Školskog odbora JU OŠ "Alija Nametak" Sarajevo.

III

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 10-38-164/06

23. juna 2006. godine

Sarajevo

Općinski načelnik

Dževad Bećirević, s. r.

OPĆINA NOVO SARAJEVO

Općinski načelnik

Na osnovu člana 45. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 25/04), načelnik Općine Novo Sarajevo, 30. juna 2006. godine, verificovao je

ODLUKU

**O KOREKCIJI REGULACIONOG PLANA
"KVADRANT 30"**

Član 1.

Usvaja se korekcija Regulacionog plana "KVADRANT 30" (u daljnjem tekstu: korekcija Plana) ("Službene novine Grada Sarajeva", broj 4/89).

Član 2.

Korekcijom Plana objekat kina „Kumrovec“ parcele k.č.broj 3523/4; 3523/24; 3524 K.O. Novo Sarajevo V, mijenja horizontalni i vertikalni gabarit kao i namjenu a sve u okviru Regulacionim planom "Kvadrant 30" utvrđene građevinske linije. Namjena, spratnost, horizontalni gabariti i lokacijska postavka planiranih objekata je preuzeta iz Idejnog projekta firme „R design“ i ugrađena u korekcije Plana.

Objekat je stambeno - poslovni spratnosti P+3 do P+15 sa dvije podzemne parking etaže.

U okviru građevinske parcele primjenjuje se normativ za saobraćaj u mirovanju jedna stambena jedinica jedno parking

(garažno mjesto) a za poslovni prostor jedno parking mjesto na 40 m² BGP.

Izvršene korekcije primjenjuju se i na ostalim fazama Plana.

Član 3.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "KVADRANT 30" i situaciono rješenje u mj 1:1000; - Tekstualni dio i grafički prilozi korekcije Plana su sastavni dio Regulacionog plana "KVADRANT 30" ("Službene novine Kantona Sarajevo", broj 4/89).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novo Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1142/06

30. juna 2006. godine

Sarajevo

Načelnik

Općine Novo Sarajevo

Željko Komšić, s. r.